

Ո Ր Ո Շ ՈՒ Մ

Արգելադրված գույքը հարկադիր էլեկտրոնային աճուրդով իրացնելու մասին

16.05.2019թ

ք. Արթիկ

Հարկադիր կատարումն ապահովող ծառայության Շիրակի մարզային բաժնի Արթիկի բաժանմունքի հարկադիր կատարող, արդարադատության ավագ լեյտենանտ՝ Արթուր Հակոբյանս քննության առնելով **«21» դեկտեմբեր 2018թ.** հարուցված թիվ **04868118** կատարողական վարույթի նյութերը

Պ Ա Ր Զ Ե Ց Ի

Շիրակի մարզի ընդհանուր իրավասության դատարանի կողմից **«19» դեկտեմբեր 2018թ.** տրված թիվ **ՀԴ1/0936/02/18** կատարողական թերթի համաձայն անհրաժեշտ է պատասխանող Նուշիկ Մելկարատի Ղազարյանից հոգուտ <<ՎՏԲ Հայաստան բանկ>> ՓԲԸ-ն բռնագանձել՝ 132.244,70 /մեկ հարյուր երեսուններկու հազար երկու հարյուր քառասունչորս/ ՀՀ դրամ /յոթանասուն/ լումա, որից՝ վարկի գումար՝ 123.000 /մեկ հարյուր քսաներեք հազար/ ՀՀ դրամ, /որից՝ վարկի ժամկետանց գումար՝ 18.890,30 /տասնութ հազար ութ հարյուր իննսուն/ ՀՀ դրամ /երեսուն/ լումա/, վարկի դիմաց հաշվարկված տոկոս՝ 4.481,50 /չորս հազար չորս հարյուր ութսունմեկ/ ՀՀ դրամ /հիսուն/ լումա, /որից՝ ժամկետանց տոկոս՝ 4.338,90 /չորս հազար երեք հարյուր երեսունութ/ ՀՀ դրամ /իննսուն/ լումա/, ժամկետանց տոկոսի դիմաց հաշվարկված տույժ՝ 144,70 /մեկ հարյուր քառասունչորս/ ՀՀ դրամ /յոթանասուն/ լումա, ժամկետանց գումարի դիմաց հաշվարկված տույժ՝ 731,70 /յոթ հարյուր երեսունմեկ/ ՀՀ դրամ /յոթանասուն/ լումա, վարկերի սպասարկման հաշիվներ՝ 3.886,80 /երեք հազար ութ հարյուր ութսունվեց/ ՀՀ դրամ /ութսուն/ լումա:

Պատասխանող՝ Նուշիկ Մելկարատի Ղազարյանից հոգուտ <<ՎՏԲ Հայաստան բանկ>> ՓԲԸ-ն բռնագանձել՝ 6.644,90 /վեց հազար վեց հարյուր քառասունչորս/ ՀՀ դրամ /իննսուն/ լումա, որպես նախապես մոծված պետական տուրքի գումարի:

Ժամկետանց վարկի մնացորդի՝ 123.000 /մեկ հարյուր քսաներեք հազար/ ՀՀ դրամի և հաշվարկված տոկոսների նկատմամբ հաշվարկը 18.06.2018 թվականից մինչև դրա փաստացի մարումը շարունակել յուրաքանչյուր ուշացրած օրվա համար օրական 0,09 տոկոսով, համաձայն վարկային պայմանագրի 6.1 կետով նախատեսված տոկոսադրույթի:

Պահանջատերը 27.03.2019թ. թիվ Վ-390/19 գրությունով հայտնել է, որ վարկը ապահովված է գրավով, և թիվ **ՀԴ1/0936/02/18** կատարողական թերթով սահմանված պարտավորության չափը 27.03.2019թ. դրությամբ կազմում է 167757.90 ՀՀ դրամ:

«Դատական ակտերի հարկադիր կատարման մասին» ՀՀ օրենքի 67 հոդվածի համաձայն, պարտապան **Նուշիկ Մելկարատի Ղազարյանից** անհրաժեշտ է բռնագանձել նաև 6945 ՀՀ դրամ՝ որպես կատարողական գործողությունների կատարման ծախսերի գումար:

Կատարողական թերթի պահանջի կատարումն ապահովելու նպատակով անհրաժեշտ է պարտապան **Նուշիկ Մելկարատի Ղազարյանի** կողմից **«ՎՏԲ-Հայաստան բանկ» ՓԲԸ-ում** գրավադրված՝ 26.02.2018թ. կնքված թիվ ՈՎ_017_08_00478 պայմանագրի անբաժանելի մասը կազմող՝ ոսկյա իրերի գրավի ստուգման և հանձնման-ընդունման ակտում նշված ոսկյա զարդերի նկատմամբ նշանակվել էր ապրանքագիտական փորձաքննություն՝ փորձաքննության արդյունքում տրված եզրակացության հիման վրա վերջիններս հարկադիր էլեկտրոնային աճուրդով իրացնելու նպատակով:

15.05.2019թ. Հարկադիր կատարումն ապահովող ծառայության Շիրակի մարզային բաժնի Արթիկի բաժանմունք է մուտքագրվել նշանակված փորձաքննության արդյունքներով Ս/Ձ Օնիկ Պետրոսի Ֆրանկյանի գնահատման հաշվետվությունը, ինչի կապակցությամբ անհրաժեշտ է գնահատված ոսկյա զարդերը ներկայացնել հարկադիր էլեկտրոնային աճուրդի:

Վերոգրյալի հիման վրա և ղեկավարվելով «Դատական ակտերի հարկադիր կատարման մասին» ՀՀ օրենքի 28, 43 հոդվածներով և «Հրապարակային սակարկությունների մասին» ՀՀ օրենքի 35.1 - 35.4 հոդվածների պահանջով՝

Ո Ր Ո Շ Ե Ց Ի

1/ Պարտապան **Նուշիկ Մելկարատի Ղազարյանի** կողմից **«ՎՏԲ-Հայաստան բանկ» ՓԲԸ-ում** գրավադրված՝ 26.02.2018թ. կնքված թիվ ՈՎ_017_08_00478 պայմանագրի անբաժանելի մասը կազմող՝ ոսկյա իրերի գրավի ստուգման և հանձնման-ընդունման ակտում նշված ոսկյա իրերը ներկայացնել հարկադիր էլեկտրոնային աճուրդի հետևյալ գներով՝

Հ/Հ	Անվանում	Քանակը	Հարգը /համաձայն ապրանքագիտական փորձաքննության/	Քաշը (գրամ) /համաձայն ապրանքագիտական փորձաքննության/	Գնահատման գինը (ՀՀ դրամ)	Մեկնարկային գինը (ՀՀ դրամ)
1.	Ոսկյա շղթա	1 հատ	583	10.0	115000	86250

Հարկադիր էլեկտրոնային աճուրդը իրականացնել էլեկտրոնային համակարգի կիրառմամբ՝ Հարկադիր կատարման ծառայության աճուրդի էլեկտրոնային կայքի՝ www.harkadir.ajurd.am միջոցով:

Հարկադիր էլեկտրոնային աճուրդի սկիզբը՝ «04» հուլիս 2019թ.:

Ծ Ա Ն Ո Թ ՈՒ Թ Յ ՈՒ Ն

Յուրաքանչյուր լոտի հարկադիր էլեկտրոնային աճուրդի ավարտի հաշվարկային ժամ է համարվում կայքում տվյալ լոտի վերաբերյալ ծանուցումը հրապարակելու 10-րդ օրվան հաջորդող աշխատանքային օրվա համապատասխան ժամը: Յուրաքանչյուր չկայացած հարկադիր աճուրդից հետո՝ երրորդ աշխատանքային օրը, կայքում գետեղվում է կրկնակի հարկադիր էլեկտրոնային աճուրդի դրված լոտի մասին ծանուցումը:

Եթե աճուրդը չի կայացել գնորդ չլինելու կամ լոտի մեկնարկային գնի հավելում չկատարելու հիմքերով, ապա հաջորդ հարկադիր աճուրդ կազմակերպելուց վաճառվող լոտի մեկնարկային գինն իջեցվում է նախորդ աճուրդի համար սահմանված մեկնարկային գնի տասը տոկոսի չափով: Եթե աճուրդը չի կայացել գնորդի կողմից լոտի գնման գինը սահմանված ժամկետում չվճարվելու կամ առուվաճառքի պայմանագիրը չստորագրելու հիմքերով, ապա լոտի մեկնարկային գնի իջեցում տեղի չի ունենում: Եթե պարտապանն ունի այլ գույք, ապա լոտի մեկնարկային գինը տասներորդ հարկադիր աճուրդից հետո հաջորդ աճուրդներում չի իջեցվում: Եթե պարտապանը չունի այլ գույք, ապա հաջորդ աճուրդներում լոտի մեկնարկային գինը չի իջեցվում քսաներորդ հարկադիր աճուրդը չկայանալու դեպքում:


«Հրապարակային սակարկությունների մասին» ՀՀ օրենքի 35.4 հոդվածի 4-րդ, 5-րդ 6-րդ մասերի համաձայն երկրորդ և յուրաքանչյուր աճուրդից հետո, լոտը / գույքը / չվաճառվելու դեպքում պահանջատերը աճուրդի ավարտից հետո երկու աշխատանքային օրվա ընթացքում իրավունք ունի պահանջի դիմաց այն ընդունելու այդ աճուրդի մեկնարկային գնով: Պահանջատերը պահանջի դիմաց լոտը իրեն հանձնելու վերաբերյալ գրավոր պահանջը կարող է ներկայացնել ՀՀ ԱՆ Հարկադիր կատարման ծառայություն մինչև չկայացած աճուրդից հետո երկրորդ աշխատանքային օրվա ավարտը: Գույքը /լոտը / պահանջատիրոջը հանձնվում է վերջինիս կողմից կատարողական գործողությունների կատարման ծախսերը վճարելուց, իսկ գույքի / լոտի / հանձման կապակցությամբ հարկեր վճարելու պարտականություն առաջանալու դեպքում նաև դրա կատարումը հավաստող փաստաթղթերը ներկայացնելուց հետո:

2/ Որոշման օրինակն ուղարկել կողմերին:

3/ Որոշումը կարող է բողոքարկվել ՀՀ վարչական դատարան կամ վերադատության կարգով՝ այն ստանալու օրվանից 10 օրվա ընթացքում:

4/ «Դատական ակտերի հարկադիր կատարման մասին» ՀՀ օրենքի 28 հոդվածի 5-րդ մասի համաձայն հարկադիր կատարողի որոշման բողոքարկումը չի կասեցնում կատարողական գործողությունները, բացառությամբ օրենքով նախատեսված դեպքերի:

ՀԱՐԿԱԴԻՐ ԿԱՏԱՐՈՂ
ԱՐԴԱՐԱԴԱՏՈՒԹՅԱՆ ԱՎԱԳ ԼԵՅՏԵՆԱՆՏ



Ա. ՀԱԿՈԲՅԱՆ